

# 湘阴荆塘李氏明房支谱序

辛酉之夏同县李君申桥以其明房支谱续修将竣问序于予而言其祖重十与兄重九元至正初由江西吉水迁湘阴之荆塘围访道岳麓见湖南考省志流寓门而家谱旧志并阙其说若何予访湖南考古略诸语悉在然出自抄摘非有臆造但当溯其来源出脉是重为求之县志仅氏族志荆塘访道岳麓旧志重九重十流寓一二语以为旧志流寓有传当有访道岳麓之事及得道光旧志而传无其事乃考省志及湖南掌故诸书并无一字及李重九重九者长沙府志遍访未得不释于心从之闻湖南图书馆有志书亟走寻检得乾隆十二年长沙府志则者古畧诸语悉在焉蓄书不多考证之难如此爰录予申桥据载之谱门人刘宗向时重修岳麓志因并告之俾收入焉唐宋以来士大夫家谱不司于官而名迹之徵亦时与官书相表裏愿官书不尽出于通人确有意义又年远散亡者

多乾隆府志列重十流寓传以其访道岳麓为人物也道光县志传阙此一节则与泛泛迁徙者等而无足异故光绪县志以人氏族而流寓无之非乾隆府志重十之为人物固无由知然则谓新志出而诸旧志可废又写可与重十兄弟之访道不详何人予意岳麓自朱张倡道逮元至正书院遗风未沫芳馨气泽之所及固有与江西近者惜乎传仅著访道一语而言论风旨无从考见要其事固可信而乾隆府志之言亦必有本此可推而知者李氏荆塘之谱重十十一世孙象珠顺治元年思本记序云亡于兵燹先世著作亦罕存始迁访道之无传盖亦以此思本记者象珠于谱亡之后与弟象琯记其本支象琯复为家谱述云六世祖曰道明者迁县城为县房是曰明房支谱至今三修始申桥以义法为问予语以谱学久废而绩前人之书万有难言且求世系明核不失孝敬之旨可矣其旧谱官制事蹟有误及凡例之不合者畧为正之不及悉究而重十访道之

说出于其谱垂成之时渊源所自宜有考信盖荆塘李氏为湘阴旧族而道明之孙近麓先生廷龙以德业显明嘉隆间今县城祠堂即先生讲学旧址所谓兰台书屋者去之数百年子孙谈其遗事不胜向往况于闻始迁访道之风有不益为之慨然与起者哉故予得乾隆府志乐为证明补其谱阙而序之且以告诸荆塘李氏之别得以覽焉

诰授通议大夫 赐进士出身 实录馆纂修 国史馆协修撰文处行走侍讲銜翰林院编修郭复初撰